

PHARMACEVTICIS VTRIVSQVE

Bauderoni, tum Parentis, tum Filij, laboribus
gratulatur hoc Epigrammate

PHILIPPVS FOILLARD

Patronus Matisconensis.

INtestina, Iecur Cerebrum, Cor, Viscera, Pectus,
Democritus ferto vidit, & edocuit.
Hippocrates pepulit potu variante dolores,
Hic fontes aperit sanguinis, ille secat.
Delicias alter prohibet, Veneremque recusat,
Hic calido iecori vina inimica verat.
Denique diuersos Medicus sibi vindicat vsus,
Vt morbos variâ sedulitate necet.
Quis tamen, ô nostri BAUDERI Epidaurius æui,
Doctius, & melius te docuisse feret?
Dulcia Melliflvo tu condis Pharmaca succo,
Vtile cum dulci iungis, amara Rosis.
Inque tuis secum tractas pugnancia libris,
Te colit Ægrotus, te quoque Sauus amat.
Sic liber hic, torum medicinæ continet orbem,
Aspera iucundis miscet, amica malis.
Quem Pater ediderat diuino ex semine Natum,
FILIVS, haud mirum est, Fratrem iterum genuit.
Castoris alternos sic Pollux prorogat annos,
Hoc Pater incepit, FILIVS egit iter.
Confusâque Patri natura tempora reddit,
Pròque annis centum, secula mille dabit.
Nulla senescenti vis est tam fertilis herbæ,
Quàm quæ primæuo vere tepente viret.
Quid mirare Senem, iuuenis, si Filius ornet?
Imberbis medicis, semper Apollo fuit.